



**Hortulus Biblico-Moralis Et Asceticus**

**Pappus von Tratzberg, Franz**

**Ulm, 1725**

Doctrina 3. Desumpta ex cap. 7. 8. & 9. lib. 2. Machab. in quibus  
describitur crudele Martyrium septem fratrum unà cum Matre generose  
sublatum. Antiochus percussus à Deo, serò pœnitens &c.

---

[urn:nbn:de:hbz:466:1-61252](#)

## Doctrina 3.

*Desumpta ex cap. 7. 8. & 9. lib. 2. Machab. in quibus describitur crudele Martyrium septem fratrum una cum Matre generose sublatum. Amiochus percussus à Deo, sero pœnitens &c.*

*Considera: I* Nsignem illam Doctrinam, quām tertius Machabæorum N. 429.

I fratum, pro fide sua tam generose mortentibus, nobis omnibus præbet. Is quippe linguam proferre jussus, non tantum eam lubens protulit; sed testante S. Scripturâ v. 10. cap. 7. manus constanter extendit. Per linguam Professionem Fidei per manus opera, fidelī homine digna, intelligi incomptò est: ergo opera conjungenda sunt Verbis o Christiane! eris alias Professor Fidei, sed mortuus: vocem habens electi Jacob, sed manus reprobi Esau; & hinc afferit Apostolus Jacobus 2. *sicut corpus sine spiritu mortuum, ita & fides sine operibus mortua.* Regius Propheta suam fidem testatus, postquam P̄sal. 115. cecinit: *propter quod locutus sum, immediate subnexuit: ego autem humiliatus sum nimis.* & in eodem exclamavit: *calicem salutaris accipiam.* Ut sic demonstret facta conjuncta Verbis. Vix Christiana fide fuerat imbutus Paulus, jam totus se labori accioxit: adeò, ut de se profiteretur 1. Corinth. 15. abundantius ille omnibus laboravi. S. Ambros. tom. 1. serm. de jejunio Eliæ, fidem Petri nominat clavem Cœli: at quis nescit, clavem ea de causa haberi, ut illa manib⁹ tractetur, reserandis applicanda seris! æternus animæ Sponsus, sive Sponsæ conjungendus, non eit auditus dicere: *ducam te, tu eris uxor mea &c.* sed: *desponsabo te mihi in fide Oſeæ 2.* constat autem: Sponsalia celebrari annulō connubiali, dígito Sponsæ inserto: ut sciat: quod opera per dígitos indicata, copulanda sint fidei. Patriarcha Jacob è domo paterna profugus: ut diuturno ab itinere fatigatus se tandem somno dedit, vidit sibi objici Paradisum coelestem, descendéntib⁹ per scalam Angelis: & è somno evigilans tremulâ voce dixit Genes. 28. *quām terribilis est locus iste!* contra luctatus cum Angelo luctâ sanè gravi timâ hilaris atque sérenus excusò je omni terrore dixit: *nunc salva facta est anima mea.* Dic sodes? cur hisce Verbis non potius in prima visione usus est, quando omnis lætitiae sedem, Cœlum videlicet, apertum vidit? occurrit

Eccc

rit

rit dubiæ quæstioni Josephus Mans. responsò ad nostrum propositum perquæm accommodô, dicens discursu 8. de Fide: apertus dum fuerat Paradisus Ipse dormiebat; ex quo probè intellexerat; quod ad superna Cœlorum habitacula nullus ingrediatur, qui complicatis in sinum manibûs torpet, & non operatur; sive qui non cum hoste certat, & vincit. Siquidem non coronatur, nisi qui legitimè certaverit. Hinc est: quod dormiens Cœlum apertum cernens expaverit; at verò quando totâ nocte cum Angelo luctatus Victor evasit, Cœli tamen Benedictionem accepit, licet in tibia lassus; & liberè atque audacter exclamare potuit: *nunc salva facta est anima mea.*

Hæc quoad substantiam præfatus Auctor, observans pariter; Patriarcham istum morti proximum collegisse pedes super lectulum, quæ collectio Mysteriò non careat, dum per pedes opera intelligentur; adeoque Jacobum (qui videns interpretatur) moriturum fidei conjunxisse opera, per vitam exercita, & his duobus innixum, iter æternitatis securè ingressum esse. Taliter se gessit fortissima illa mulier, septem filiorum Mater, quæ illos docuit: non tantum veram Religionem Verbis, sed & factis profiteri, Leges patrias non solum exactissimæ observandô, sed etiam pro iis strenue moriendô. Judæ Machabæo teste S. Scripturâ hic c. 8. v. 6. pariter non sufficerat: Sacratissimam legem solâ fide colere; sed ut eandem factis publicis profiteretur, castella hostium improvisò incendiò concrenavit, nolens reconciliari illis v. 16. sed residuum agmen in prælum erexit dicens: *ante oculos habentes contumeliam, quæ loco Sancto ab his injustè illata est.* Antiochus econtra, horrendis doloribus corporis ad extrema vitae pessime deductus; et si ad agnitionem vindicis Dei venerit, exclamans v. 12. capit. cit. *justum est subditum esse Deo.* Miserabilis tamen morte perit v. 29. causam hujus afferente S. Scripturâ, quando v. 14. eum Jerosolymam properasse, ut civitatem ad solum dirueret, & sepulchrum congregorum faceret. Siequè Deum quem ore professus est, factis negavit.

Doctri-